

Disposiziuns executivas tar il reglament da contribuziun

Sa basond sin art. 28 dal reglament da contribuziun dals 29 d'october 2014, relaschadas da la cumissiun administrativa ils 13 da november 2014, revedidas ils 17 da zercladur 2015

Dumonda preventiv	<p>I. Disposiziuns generalas</p> <p>Art. 1 1 La cumissiun administrativa sa basa tar la dumonda per la decisiun d'approvaziun dal preventiv sin tut las contribuziuns e las structurescha sco suonda:</p> <ul style="list-style-type: none">a) contribuziuns finanzialas annualasb) contribuziuns da cumpensaziun da l'inegualitad individualac) contribuziuns da construcziund) contribuziuns da promoziun per fusiuns da plaivse) contribuziuns per la soluziun transitorica ils emprims trais onns suenter l'entrada en vigur dal reglament da contribuziun
Conferma	<p>Art. 2 La plaiv è obligada da confermar ch'ella haja retschet las contribuziuns e ch'ella las dovria per l'ademplant effectiv dals duairs. Il president, il cassier ed in revisur da la plaiv suttascrivan il formular da conferma suenter che la contribuziun è vegnida pajada ora.</p>
Dumber da commembers	<p>II. Contribuziuns finanzialas annualas</p> <p>Art. 3 1 Il dumber da commembers d'ina plaiv per ils 31 da december che vegn duvrà per il preventiv ed il pajament vegn eruì sin basa da las indicaziuns da las plaivs, resp. da las vischnancas politicas. 2 Sco catolics valan burgais svizzers ed esters cun la permissiun da domicil C, B ni L.</p>
Entradas fiscalas	<p>Art. 4 1 Las indicaziuns davart las entradas fiscalas incassadas ed il pe da taglia da las plaivs vegnan dumandads tar l'administraziun chantunala da taglia. 2 Las entradas da las taglias a la funtauna vegnan resguardadas pir per la calculaziun da las contribuziuns finanzialas annualas per l'onn 2019.</p>
Pe da taglia referenzial	<p>Art. 5 Il pe da taglia referenzial vegn fixà ad interim sin 15%.</p>
Contribuziun da basa	<p>Art. 6 1 La contribuziun da basa vegn fixada ad interim sin CHF 30.00 per catolic. Ella vegn pajada ad interim per maximalmain 1000 catolics per plaiv. 2 Plaivs che incasseschan pli pauc ch'il pe da taglia referenzial na survegnan nagina contribuziun da basa.</p>
Taxa da gulivaziun da la forza fiscala 1. stgalim	<p>Art. 7 La gulivaziun da la forza fiscala 1. stgalim vegn fixada ad interim sin 60%.</p>

<p>Taxa da gulivaziun da la forza fiscala 2. stgalim</p>	<p>Art. 8 La gulivaziun da la forza fiscala 2. stgalim vegn fixada ad interim sin 90%. Las plaivs cun almain 600 commembers èn autorisadas da far pretensiuns. La contribuziun vegn pajada ad interim per maximalmain 1000 commembers.</p>
<p>La gulivaziun da la forza fiscala 1. stgalim</p>	<p>Art. 9 La gulivaziun da la forza fiscala 1. stgalim vegn calculada sco suonda:</p> <ol style="list-style-type: none"> 1. las entradas da la taglia da baselgia da la plaiv divididas cun il pe da taglia da la plaiv respectiv e multiplitgadas cun il pe da taglia referenzial (per il mument 15%) = import 1 2. import 1 dividì cun il dumber da commembers da la plaiv respectiva = import 2 3. summa dals imports 1 da tut las plaivs = import 3 4. import 3 dividì cun il dumber da commembers da las plaivs en il chantun Grischun = import 4 5. import 4 multiplitgà cun la taxa da gulivaziun da la forza fiscala 1. stgalim (per il mument 60%) = import 5 6. import 5 main import 2 = import 6 7. import 6 multiplitgà cun il dumber da commembers da la plaiv respectiva = import 7. Quest import correspunda a l'import da la gulivaziun da la forza fiscala 1. stgalim.
<p>La gulivaziun da la forza fiscala 2. stgalim</p>	<p>Art. 10 La gulivaziun da la forza fiscala 2. stgalim vegn calculada sco suonda:</p> <ol style="list-style-type: none"> 1. las entradas da la taglia da baselgia da la plaiv divididas cun il pe da taglia da la plaiv respectiv e multiplitgadas cun il pe da taglia referenzial (per il mument 15%) = import 1 2. import 1 dividì cun il dumber da commembers da la plaiv respectiva = import 2 3. summa dals imports 1 da tut las plaivs = import 3 4. import 3 dividì cun il dumber da commembers da las plaivs en il chantun Grischun = import 4 5. import 4 multiplitgà cun la taxa da gulivaziun da la forza fiscala 2. stgalim (per il mument 90%) = import 5 6. import 5 main import 2 = import 6 7. import 6 main import 6 1. stgalim (tenor art. 8 cif. 6) = import 7 8. import 7 multiplitgà cun il dumber da commembers da la plaiv respectiva (tenor art. 11 ed 12 da las disposiziuns executivas) = import 8. Quest import correspunda a l'import da la gulivaziun da la forza fiscala 2. stgalim, sche la plaiv applitgescha almain il pe da taglia referenzial main maximalmain 3 puncts procentuals (per il mument 15% ./ 3 puncts procentuals = 12%).
<p>Dumber minimal da commembers</p>	<p>Art. 11 Plaivs cun almain 600 commembers èn ad interim autorisadas da far pretensiuns per la gulivaziun da la forza fiscala 2. stgalim.</p>
<p>Dumber maximal da commembers per il dretg da far pretensiuns</p>	<p>Art. 12 La gulivaziun da la forza fiscala 2. stgalim vegn pajada ad interim per maximalmain 1000 commembers da la plaiv.</p>

<p>Pe da taglia minimal</p> <p>Dumonda da contribuziun</p>	<p>III. Cumpensaziun da l'inegualitad individuala</p> <p>Art. 13 Il pe da taglia minimal che legitimescha da retrair la cumpensaziun da l'inegualitad individuala importa ad interim 20%.</p> <p>Art. 14 A la dumonda per la cumpensaziun da l'inegualitad individuala sto vegnir agiuntà:</p> <ol style="list-style-type: none"> 1. ils quints annuals dals dus onns precedents approvads da la radunanza da la plaiv ed ils quints annuals da las fundaziuns 2. ils preventivs dals dus onns precedents, da l'onni current e da l'onni sequent 3. la cumprova da fadias da fusiun 4. la dumonda motivada
<p>Dumonda da contribuziun</p>	<p>IV. Contribuziuns da construcziun</p> <p>Art. 15 La dumonda sto vegnir fatga cun il formular da la Baselia catolica dal chantun Grischun ed inoltrada cun las agiuntas correspudentas.</p>
<p>Dumonda da contribuziun</p>	<p>V. Reglament transitoric</p> <p>Art. 16 La cumissiun administrativa conceda la contribuziun transitorica senza ina dumonda speziala.</p>
<p>Cumulaziun</p>	<p>Art. 17 La contribuziun finanziaria annuala, la cumpensaziun da l'inegualitad individuala e la contribuziun transitorica pon vegnir pajadas a moda cumulativa.</p>
<p>Entrada en vigur</p>	<p>VI. Disposiziuns finalas</p> <p>Art. 18 Questas disposiziuns executivas entran en vigur cun l'ordinaziun davart l'administraziun da finanzas da la Baselia catolica dal chantun Grischun ed il reglament da contribuziun ed aboleschan tut las determinaziuns cuntradictoricas, en spezial las disposiziuns executivas per la calculaziun da las contribuziuns da gulivaziun dal 1. da matg 1986 e las disposiziuns executivas per il pajament da contribuziuns ad in'ovra dal 1. da mars 1986.</p>